

Pagsasanay 4: Basahin ang bawat talata. Batay sa paksa nito, pillin sa loob ng kahon ang pamagat na angkop dito. Isulat sa patlang ang sagot.

Ang Paborito Kong Ulam
Ang Ate Ko
Ang Mabuting Bata

Ang Gatas
Ang Talbos ng Kamote
Ang Aking Alaga

1. _____

Martha ang pangalan ng ate ko. Siya ay matalino at masipag. Mabait siya sa akin at matulungin sa aming mga magulang.

2. _____

Ang talbos ng kamote ay masustansyang pagkain. Ito ay masarap na gawing salad kasama ng ibang sangkop. Mabuting pagkain ito para sa mga taong mapuputla at sakitin. Maaari ding inumin ang kamote *juice* mula sa pinaglagaan ng talbos.

3. _____

Ang paborito kong ulam ay adobong manok. Lalo itong nagiging masarap para sa akin kapag si Nanay ang nagluto. Marami akong nakakain tuwing adobong manok ang aking ulam.

4. _____

Si Bibbo ang aking alagang aso. Siya ay isang Chihuahua. Maliit pero mahusay siyang bantay sa bahay. Malambing ang aking makulit na alaga.

5. _____

Isang masustansyang inumin ang gatas. Ito ay mayaman sa *calcium* na nagpapatibay ng mga ngipin at mga buto. Mayaman din ito sa protina na mahalaga para lumaking malusog ang isang bata.